


鄂國金佗續編

序目  
一之二



漢	八	九	四	九	類
書	一	六	八	二	冊
門	二	〇	二	〇	架

內	八	九	四	九	類
閣	二	〇	二	〇	冊
文	一	五	〇	〇	架
庫	二	七	〇	〇	函

傳記五号

共二十本

內閣文庫	番號	漢	8949
	冊數	20	( 11 )
	函號	287	90






鄂國金佗續編序

淺草文庫

孫朝請大夫權尚書戶部侍郎總領浙西江東財賦淮東

軍馬錢糧專一報發御前軍馬文字兼提領措置屯田通

城縣開國男食邑三百戶賜紫金魚袋岳珂編



易曰大君有命開國承家夫辨五等選群辟  
建侯於經綸草昧之初列爵於崇德報功之  
後固古先哲王之所以公天下而非以為一  
家之私也庭堅之邁種逮于蓼六周召之夾  
輔載于燕魯大勳開四履盛德祀百世是國



也非所謂世其家者歟國有春秋家有譜牒  
紀事雖殊爲用不廢夫其著鼎彝登旂常脗  
土疇功此國之所繇開也昭明其湮蝕罔羅  
其放軼廣記備錄思以盡爲子若孫之心又  
豈非傳家克承者之責耶 先王佩佗綬于  
鄂珂不肖幸囚 今天子霈 泰時之澤獲  
以支邑紹分舊封亦既 頒蒲瑞于 朝執  
而歎曰三趙命名此贊皇氏之所以不忘乎  
先也家故有金佗編因 先爵以叙 遺列

嘉定戊寅嘗制衣之攜李矣而辛巳之在忠  
乙酉之 錫謚 異渥 殊榮焜耀狎至則未  
之續也行有述也而弗該乎 絲綸見聞有  
取也而莫並乎百氏宸奎之藏扣閣之已  
進嘗彙之於前矣而按訪之嗣獲顧闕之於  
後天定之錄非劉之 曠典槩表乎其末矣而  
思陵之 盛心反略乎厥初顧其可已哉夫  
折圭儋爵上之恩也貶德流慶 先王之澤  
也知侈金佗之 寵而不知乎擲沐以致之



之功知家之承而不知國之所以開之之自  
斯責也珂將奚辭即觚槩之末伎以文其肯  
堂折薪之未能何異手持泝澣統以自獻猶  
竊恕曰易之所以開國承家者或在於是斯  
又類乎聞鐘揣籥以求乎日者也凡書四種  
合三十卷命之曰續蓋以合攜李舊刻同為  
一編云嗚呼是續也焉知其不復續子孫之  
心聞斯傳之其又何時而可已耶紹定改元  
歲重九日珂謹序

鄂國金佖續編目錄

孫朝請大夫權尚書戶部侍郎總領浙西江東財賦淮東

軍馬錢糧專一報發 御前軍馬文字兼提領措置屯田通

城縣開國男食邑三百戶賜紫金魚袋岳珂 編

卷第一

高宗皇帝宸翰摭遺卷之一

卷第二

絲綸傳信錄卷之一

卷第三



絲綸傳信錄卷之二

卷第四

絲綸傳信錄卷之三

卷第五

絲綸傳信錄卷之四

卷第六

絲綸傳信錄卷之五

卷第七

絲綸傳信錄卷之六

卷第八

絲綸傳信錄卷之七

卷第九

絲綸傳信錄卷之八

卷第十

絲綸傳信錄卷之九

卷第十一

絲綸傳信錄卷之十

卷第十二



絲綸傳信錄卷之十一

卷第十三

天定別錄卷之一

卷第十四

天定別錄卷之二

卷第十五

天定別錄卷之三

卷第十六

天定別錄卷之四

卷第十七

百氏昭忠錄卷之一

卷第十八

百氏昭忠錄卷之二

卷第十九

百氏昭忠錄卷之三

卷第二十

百氏昭忠錄卷之四

卷第二十一



百氏昭忠錄卷之五

卷第二十二

百氏昭忠錄卷之六

卷第二十三

百氏昭忠錄卷之七

卷第二十四

百氏昭忠錄卷之八

卷第二十五

百氏昭忠錄卷之九

卷第二十六

百氏昭忠錄卷之十

卷第二十七

百氏昭忠錄卷之十一

卷第二十八

百氏昭忠錄卷之十二

卷第二十九

百氏昭忠錄卷之十三

卷第三十



卷第百氏昭忠錄卷之十四

卷第百氏昭忠錄卷之十三

卷第百氏昭忠錄卷之十二

卷第百氏昭忠錄卷之十一

鄂國金佗續編目錄終

卷第百氏昭忠錄卷之十

卷第百氏昭忠錄卷之九

卷第百氏昭忠錄卷之八

卷第百氏昭忠錄卷之七

鄂國金佗續編卷第一

孫朝請大夫權尚書 戶部侍郎總領浙西江東財賦淮東

軍馬錢糧專一報發 御前軍馬文字兼提領措置屯田通

城縣開國男食邑三百戶賜紫金魚袋岳珂編次

高宗皇帝宸翰撫遺卷之一

建炎四年

賜金酒器 詔

援承楚 詔

紹興三年



趣進兵招捕 詔

令赴 行在 詔

紹興五年

賜銀絹 恩澤 封號 詔

紹興六年

得逆豫等書賜 詔

紹興七年

出師劄 親批 詔

賜諭先發制入 詔

覽恢復奏褒諭 詔

令諭鄴瓊 詔

紹興九年

書屯田三事 詔

御賜舞劍賦

建炎四年

九月先臣自泰州奉 詔援承楚

初引兵屯三 光宗皇帝嫌諱 遂抵承州轉戰

踰月三戰皆大捷殺其大酋高太



保擒女真激海漢兒軍等又俘阿  
主孛董反里真阿主里白打里蒲  
速里酋長七十餘人送行在  
上嘉厥勲賜金酒器賜御札

合在本年第一  
一詔之次

勅岳飛節義忠勇無愧古人所至不擾民不  
知有兵也所向必寇始畏其威也朕甚嘉  
焉方今國步非卿等數輩朕孰與圖復  
土者耶柰何江表尚多餘寇卿竭力措

置擒獲必期靜盡無使越境為吾之憂姑賜  
卿金注盃一副盞十隻聊以永懷也

七日

御押

九月先臣始入通泰劉光世奉

詔援承楚不肯渡江遣裨將王德

往以虜遁奏賜御札令先臣協

力勦撲合在紹興四年  
詔之上

近據劉光世差王德等統率軍馬過江之後  
累奏戰捷殺獲金人甚多賊久駐江淮即漸



抽退其未去者數雖不多若不乘勢勦除終  
作腹心之患正諸將立功報國之秋也岳飛  
奮命許國忠勞甚著朕常嘉之今可與光世  
所遣將領等協力並進往承州楚州等處殺  
伐金賊期於勦撲當議不次推賞其有能獲  
龍虎太師者白身與除觀察使

九月十五日付岳飛

紹興三年

春大寇陳顥彭友等連兵數十萬

據虔吉州以叛 上詔江西安撫

大使李回令擇木路盜藪最熾諸  
將所不能制者顥以屬先臣於是  
始移軍於洪夏四月至虔州時民  
挺于亂饋餽阻莫 上憂先臣軍  
或至乏絕乃申 詔計臣督辦屬  
以明憲且賜 御札令趣進兵在合

前詔之次仍在紹興  
四年第一詔之上

朕已親勅諸路漕臣應副卿軍馬錢糧坐貶



嶺外之罪卿當體國疾速統率精銳人馬前去務要招捕靜盡無使滋蔓罪有所歸仍具起發日時及泐路所至去處逐旋以聞

付岳飛

御押

先臣既破固石洞大敗賊兵擒顯等以入于虔上疏乞誅首惡而赦脅從詔俞其請秋七月有旨詣行在上猶慮群寇遺類為患異日賜御札趣覲仍寓聖

訓 合又在前 詔之次仍在 紹興四年第一 詔之上

具奏省卿殄滅群寇安靖一方應無遺類為異日之患也朕甚嘉之已詔卿赴行在可即日就道勿憚暑行紀律嚴明秋毫不犯卿之所能也朕不多及七月十二日

勅岳飛 御押

紹興五年

二月先臣還自廬州既破虜偽之師遂入覲上春禮優渥申以



錫賚貶恩之寵併賜御札合在本年

第一 詔之上

賜岳飛銀絹二千疋兩承信郎恩澤一資母封國夫人孺人封號二人冠帔三道

御押

紹興六年

冬十月逆豫之子麟與其妖猊分道入寇或得吠堯之書于境上

賜御札示先臣且勉以報

國戡讎之意

合在本年第一 詔之下

古之人見無禮於君者必思有以殺之今劉豫劉麟四出文榜指朕為孽庶首惡毀斥詬罵無所不至朕固不德有以招致此言卿蒙被國恩尚忍聞之不動心乎備錄全文密以示卿主辱臣死卿其念之

付岳飛

御押

紹興七年

先臣既受詔兼統劉光世兵因



手疏造 膝陳恢復大計 上意

感動 親批紙尾賜先臣仍寓

委屬褒戒之意 合在本年第一  
詔之下

臣伏自 國家變故以來起於白屋實懷  
捐軀報 國雪復讎耻之心幸憑 社稷  
威靈前後粗立薄効而 陛下錄臣微勞  
擢自布衣曾未十年官至太尉品秩比三  
公 恩數視二府又增重使名宣撫諸路  
臣一介賤微 寵榮超躡有踰涯分今者

又蒙益臣軍馬使濟恢圖臣實何人誤辱  
神聖之知如此敢不晝度夜思以圖 報  
稱臣揣敵情所以立劉豫於河南而付之  
齊秦之地蓋欲荼毒中原生靈以中國而  
攻中國粘罕因得休兵養馬觀釁乘隙包  
藏不淺臣不及此時稟 陛下睿筭妙略  
以伐其謀使劉豫父子隔絕五路叛將還  
歸兩河故地漸復則金賊詭計日生屯時  
浸益難圖然臣愚欲望 陛下假臣日月



勿復拘臣淹速使敵莫測臣舉措萬一得  
便可入則提兵直趨京洛據河陽陝府潼  
關以號召五路叛將則劉豫必捨汴都而  
走河北京畿陝右可以盡復至於京東諸  
郡陛下付之韓世忠張俊亦可使下臣  
然後分兵濬滑經略兩河劉豫父子斷可  
成擒如此則大遼有可立之形金賊有破  
滅之理四夷可以乎定爲陛下社稷長  
久無窮之計實在此舉假令汝穎陳蔡堅

壁清野高於號畧分屯要害進或無糧可  
因攻或難於餽運臣須斂兵還保上流賊  
定追襲而南臣俟其來當率諸將或到其  
銳或待其疲賊利速戰不得所欲勢必復  
還臣當設伏邀其歸路小入必小勝大入  
則大勝然後徐謀再舉設若賊見上流進  
兵併力來侵淮上或分兵攻四川臣即  
長驅擣其巢穴賊困於奔命勢窮力殫縱  
今年未盡平殄來歲必得所欲亦不過三



二年間可以盡復故地。陛下還歸舊京，或進都襄陽，關中唯陛下所擇也。臣聞興師十萬，日費千金，邦內騷動七十萬家，此豈細事！然古者命將出師，民不再役，糧不再藉，蓋慮周而用足也。今臣部曲遠在上流去，朝廷數千里，手時每有糧食不足之憂，是以去秋臣兵深入陝洛，而在寨卒伍有饑餓，閃走故臣急還，不遂前功，致使賊地陷，偽忠義之人旋彼屠殺，皆臣之

罪。今日唯賴陛下戒敕有司，廣為儲備，俾臣得一意靜慮，不為兵食亂其方寸，則謀定計審，仰遵陛下成算，必能濟此大事也。異時迎還太上皇帝，寧德皇后，梓宮奉邀，天眷歸國使，宗廟再安，萬姓同歡，陛下高枕無北顧憂，臣之志願畢矣。然後乞身還田里，此臣夙昔所自許者。伏惟陛下恕臣狂易，臣無任戰汗取進止。



三月十一日起復太尉武勝定國軍節度使湖北京西路

宣撫使兼營田大使臣岳飛劄子

覽奏事理明甚有臣如此顧復何憂進止之  
機朕不中制惟敕諸將廣布寬恩無或輕殺  
拂朕至意

右珂先大父維師忠烈鄂國忠武王手奏  
出師疏真蹟一卷 高宗武文皇帝御筆  
批其後於虜 靖康元二之禍酷矣烈矣  
不勝說矣楚齊代妖 先王網絕矣

發憤古艱思深思雪必欲挽河漢而決之  
一念既立高厚對越驅馳忽儵叱咤隆缺  
障橫潰於既倒扶不周於將折此其立志  
蓋霍去病所謂不立家於匈奴之未滅諸  
葛亮所謂鞠躬盡死以正祁山之伐裴度  
所謂賊未授首臣不還闕千載相望異世  
同轍勲名未究卒債權孽此籲天之書  
所以俯伏 天闈泣盡而繼之以血也手  
澤散軼百年驚閱寶慶乙酉王春二月恭



獲墨寶仍睹奎札既以伸霜露之痛遂可想  
風雲之節百拜必襲庸附前哲贊曰  
於維 紹興 扶危 支傾 揠拔 泣戎  
不識一丁 先王奮嘯起自諸生經通  
誼明筆妙墨精翠微之詩五嶽之盟祁  
陽整旅東松紀行蹟徧九州氣凌三精  
粵時出師首茲抗旌規模弗愆忠憤莫  
櫻 上心載嘉 奎章式形謂 朕何  
憂 惟爾責成以百萬師觀我甲兵僅

四十里復我 舊京日却陽侯星隕中  
營萋血遂碧狐史漫青天不誘衷局其  
底寧傷哉離騷坐此脩能冰鏤玉潔蘭  
芳芷馨惟 皇鑒忠惟人與誠烈並褒  
鄂志虧幽并有奕 龍跡 遙昭 駿聲  
遺墨既刊大猷是經對于廟祧豈惟雲仍

上既付先臣以王德等軍復賜

御札諭以先發制人之意

合在本年  
第三 詔

後仍在出師劄  
批 詔之次



前議已決不久令宰臣浚至淮西視師因召  
卿議事進止之幾委卿自專先發制人正在  
今日不可失也所宜深悉

付岳飛

御押

先臣既奉 詔復奏申述前志以  
贊 上恢復之決賜 御札以報

合在前 詔之次仍在  
本年第四 詔之上

覽卿近奏毅然以恢復為請豈天實啓之將  
以輔成朕志行遂中興邪嘉歎不忘至於數

四自餘令相臣浚作書具道惟卿精忠有素  
朕所簡知謀議之間要須委曲協濟庶定禍  
亂卿目疾迹來必好安故茲親諭所宜悉之

付岳飛

御押

言 卿上以瓊素所信服者惟先臣  
欲 令諭 旨許以自新乃賜

御札

合在木年第一  
八 詔之下

近日鄺瓊領軍北去止緣除揚沂中為淮西



制置使衆情疑慮雖瓊忠義有素而不能自信倉卒之間遂成大變朕降親筆與瓊委曲喻之使知朝廷本意乃已不及聞瓊與卿同鄉里又素服卿之威望卿宜爲朕選一二可委人持書與瓊曉以朕意若能率衆還歸不特已前罪犯一切不問當優授官爵更加於前朕已復召劉光世不晚到行在瓊之田產布在淮淝諸郡已降指揮令元佃人看守以待瓊歸卿是國之大將朕所倚注凡朕素懷

卿之所悉可子細喻瓊使其洞然無疑復爲忠義在卿一言也

付岳飛

御押

紹興九年

先臣自紹興四年平襄漢始興

營田之議六年兼使七年進大使

至是兵農漸合耕戰交舉上慨

然有復古之意賜御書屯田三事

曹操嘗苦軍食不足羽林監穎川棗祗建置



屯田於是以任俊為典農中郎將募百姓屯田於許下得穀百萬斛郡國例置田官數年之中所在積粟倉廩皆滿

諸葛亮與司馬宣王對於渭南每患糧不繼分兵屯田為久駐之基耕者雜於渭濱居民之間而百姓安堵軍無私焉

羊祜都督荊州諸軍事率營兵出鎮南夏開設庠序綏懷遠近甚得江漢之心吳石城守去襄陽七百餘里每為邊害以詭計令吳罷守於是戍邏減半分以墾田八百餘頃大獲其利祜之始至也軍無百日之糧及至季年有十年之積

賜岳飛

御押

臣聞先正司馬光有言德勝才謂之君子才勝德謂之小人論人者能審於才德之分則無失人矣曹操募百姓屯田許下所在積粟諸葛亮分兵屯田而百姓安堵羊祜懷遠近得江漢之心亦以墾田獲利若



三子者知重本務農使兵無艱食其謀猷  
術略皆不在人下才有足稱者然操酷虐  
變詐擊申商之法術雖號超世之傑豈正  
直中和者所為乎許劭謂清平之姦賊亂  
世之英雄其德有貶云亮開誠心布公道  
邦域之內畏而愛之祐增修德信以懷柔初  
附則德過於操遠矣觀亮素志欲龍驤虎  
視包括四海以興漢室天不假以年遽有  
渭南之恨祐輔晉武慨然有并吞之心後

平吳身不及見二子有意於功名而志弗  
克伸惜哉臣庸德薄才誠不敢妄論古人  
伏蒙 陛下親灑 宸翰鋪述二三屯田  
足食之事俯以賜臣臣敢不策駑礪鈍仰  
副 聖意萬一夫服田力穡乃亦有秋農  
夫職爾用屯田以足兵食誠不為難臣不  
揆願遲之歲月敢以奉 詔要使忠信以  
進德不為君子之棄則臣將勉其所不逮  
焉若夫鞭撻四夷尊強 中國扶 宗社



於再安輔 明天子以享萬世無疆之休  
臣竊有區區之志不知得伸歟否也紹興  
十年正月初一日武勝定國軍節度使開  
府儀同三司湖北京西路宣撫使兼營田  
大使武昌郡開國公食邑四千戶食實封  
一千七百戶臣岳飛謹書

臣珂竊惟因田寓兵肇自黃帝立井之  
灋冊籍維見乘馬兵車規撫有秩駭於  
宗周百王不易紊以內政散以阡陌醜

七而後一無復遺漢更代來稍示存古  
筵臣玃議募田實邊以屯積粟此焉權  
輿渠犂以還閭及內地愈變愈下猶存  
府兵五閏不綱定霸創名判乎二岐殆  
不復合 高宗皇帝英智遠覽 挺生  
百代之下 奮然永嘅欲 合兵農而  
一之 環睨在廷莫當 上意 疇咨  
已試 遙觀厥成廼寓 奎章 屬意  
下逮先臣是時營田已有成畫矣畛錯



吠繡沃墜相接事至不謁農皆可戰營  
壘棊布車閑馬鈔閒居弗饋士亦服耕  
藹然千古之遺規蓋可想見地不改墾  
兵不改籍因其已行而措其未備宜若  
易然而先臣下方之書廼獨遲之何也  
夫因變以制宜而激成於欲速襲媮就  
狹豈所謂以堯事 君者漢事駁矣已  
無足議世更鼎峙隨地置兵各據偏方  
以相抗衡革舊俗還 工制以振方來之

陋於時乎何有此蓋先臣之所甚惜而  
才德之辨姑致其意思有以廣 上心  
尤夙夜之所卷卷反覆數子之行事或  
形於慨慕或見於嘆息一予一奪而愛  
君之心寓焉不計歲月之近効而使數  
百世之下有能見井田之髣髴則顛視  
三國固先臣之所不屑爲而馴致其道  
等而上之庶幾乎其可也倣茲以觀事  
不勝異矇娑參至卒徇以身區區興



漢終不足以勝酷虐變詐者之謀而凡  
渭南峴首之所以不獲要其終此論者  
必以歸之天也還觀餘旨其伸與否蓋  
皆先臣之所不敢計而其遺跡之僅存  
者且至于今賴之實土虧成萬不一究  
出之士猶執時異事變之說而諉之不  
可復行盍亦反其本而已蓋至於是而  
古人之長計遠慮均為空言日就湮汨  
而先帝大有為之志孤矣揆今肇

古可勝咤哉臣因次第藏  
書重悲先臣之言追頌  
聖意專寫誕  
略繫于撫遺之末云

御賜舞劍賦

將軍以幽燕勁卒耀武窮髮倂海夷虜山羯  
左執律右秉鉞振旅闐闐獻功于魏闕上享  
之則鐘以捍虞鼓以靈鼉干妓度舞萬人高  
歌秦雲動色渭水躍波有肉如山有酒如河  
君臣樂飲而一醉夷夏薰薰而載和帝謂將



軍拔劔起舞以張皇師旅以烜赫戎虜節八  
音而行八風奮兩階之于羽公於是貝冑朱  
綬而正色虎裘錦褱而攘臂抗稜威飄銳氣  
陸離于武備婆娑乎文事合棗林之容以盡  
其意照蓮花之彩以宣其利翕然鷹揚翼尔  
龍驤鋒隨指顧鏑應徊翔取諸身而聳躍上  
其手而激昂縱橫耀穎左右交相觀乎此劔  
之躍也乍雄飛俄虎吼搖轆轤射牛斗空中  
悍慄不下將久歛風落而雨來果愜心而應

手尔其凌厲清淳絢練夔絕青天兮可倚白  
雲兮可決靚二龍之追飛見七星之明滅雜  
羽干之逸勢應金奏之繁節至乃天輪宛轉  
貫索迴環光冲融乎其外氣混合乎其間若  
湧雲濤如飛雪山萬夫爲之雨汗八佾爲之  
慙顏及乎度曲將終發機左捷或連翩而七  
縱或瞬目而三接風生兮旌旆旒旒電走兮  
彤庭曄曄陰宜變見靈恠離獵將鬼神之無  
所遁逃豈蠻夷之不足震懼嗟夫蘭子之迭



躍其人未雄仲由之自衛其武未功曷若將  
軍爲百夫之特寶劍有千金之飭奮紫髯之  
游刃於帝庭之光色所以象大君之功亦以  
宣忠臣之力或歌曰泐泐武臣耀雄劍兮清  
邊塵威遠夷兮率來賓焉用輕裾之妓女長  
袖之才人天子穆然詔伶官斥鄭衛選色者  
使覘乎軍容教舞者使覘兵勢變激楚之  
結風爲發揚之蹈厲僉謂將軍之劍舞古未  
之至

右高宗武文皇帝御書

賜先臣飛

唐喬澤裴將軍舞劍賦按文粹賦在第四  
卷中臣珂家藏天筆盈笈大概皆兵事  
節度臣固嘗具之甲子奏篇惟是書以  
游戲翰墨渙錫光寵故弗及載有御  
書璽及已未小璽以殿于篇臣旣系  
寶章復伸蠡測輒陳蕪贊式著宸心贊曰

維中興焯人文燁皇靈即清燕

垂翰墨光日星揖蛙怒市駿骨期混



并 寫古作示 休寵作豪英 臣有劔  
淬三河苞 兩京舞絕世 決浮雲開大  
清 帝有訓誓臣 節式欽承 誰掣肘起  
奮哀憤裂纓 鬱于將在寶匣 長悲鳴後  
百年血郵支 鏐尚腥刻斯石表 帝心  
傳龍庭

鄂國金佗續編卷第一

鄂國金佗續編卷第二

孫朝請大夫權尚書戶部侍郎總領浙西江東財賦淮東軍

馬錢糧專一報發 御前軍馬文字兼提領措置屯田通城

縣開國男食邑三百戶賜紫金魚袋岳珂編次

絲綸傳信錄序

記功莫大乎紀實垂世莫難乎傳信實不徒  
紀也必有所託而後信足以傳乎久信不苟  
傳也必有以驗其所託而後信其實之為不  
誣此二者迭相為用而不可以偏廢也且世



之立勲能著名謚寓諸史謀繇古而今凡幾  
何人隱蹟奧行述於狀嘉謨顯德表於碑逸  
事放聞誅贊叙紀雜出於志士文人之手是  
皆足以爲實也然而家庭之所上則或疑於  
夸託名於人則或疑其諛募至於後世追述  
倣象激揚褒揄上史官而詒輯錄又或以其  
耳目不接誤於剽聞者而疑之然則實烏乎  
託而信亦豈易傳哉嗚呼是固可疑也生乎  
斯時同乎斯時目擊而傳之斯足以爲信矣

曰存乎其人未可以輕信立言之太儒篤信  
之君子許可之不苟而又出乎同時蓋確乎  
其可信也曰是惡所据依而言之如是則終  
無可託者耶曰事同時功同志其矢言之實  
者莫切乎君臣之間制詔之出於其時  
者非一人之爲也鑿坡鳳池公論所正上焉  
而視草進孰必有以當乎上心下焉而  
廷揚驛布必有以合乎人心如曰賦功進律  
則一時之功狀必嘗覆于有司獎諭批答



則一時之指意必嘗稟子睿斷其它行  
諸堂帖下之故府又俱有宣底之存被  
旨之日此而不傳則是信也無復可託者矣  
此子孫之責而是錄之所繇作也始魏國韓忠  
獻公作家傳凡制詔皆散于編年之中珂  
弱冠彙奏篇蓋嘗竊以為不然謂事跡間  
斷則不便於覽讀紀載雜揉則有乖於聯合  
因刪其文而撫其意以為如是亦足以傳既  
上之蘭臺矣已而繙故書刻本時見事蹟

與當時王言相表裏者率不一二見予心  
雖瞭然而或者持扣顛末則弗能以枚告輒  
慨然曰此珂之罪也事增於前文損於舊昔  
之作史者已難之矣而予獨可以輕變哉編  
年既不可續入則別彙為錄名之曰絲綸傳  
信抑使後之觀者知予之於所傳於所託可  
信蓋如此堯言布天下其在萬世尚庶幾  
於如見去紹定改元端午孫朝請大夫權尚書戶部侍



提領措置屯田通城縣開國男食邑三百戶賜紫金魚袋岳珂謹序  
絲綸傳信錄卷一

紹興二年

中衛大夫武安軍承宣使告

紹興三年

鎮南軍承宣使江西沿江制置使告

紹興四年

清遠軍節度使湖北路荆襄潭州制置

使特封武昌縣開國子食邑五百

明堂戶食實封貳伯戶制

紹興五年

兩鎮節度使加食邑制

四年明堂加食邑五百戶食實封貳伯

戶封如故制

檢校少保加食邑制

紹興六年

武勝定國軍節度使充湖北京西路宣

撫副使置司襄陽加食邑制



內艱起復制

紹興七年

起復太尉加食邑制

明堂加食邑五百戶食實封貳伯戶制

紹興九年

開府儀同三司加食邑制

紹興十年

少保兼河北府路陝西河東湖北路招

討使加食邑制

明堂加食邑七百戶食實封叁伯戶制

紹興十一年

樞密副使加食邑制

武勝定國軍節度使萬壽觀使奉朝請制

紹興二年

中衛大夫武安軍承宣使告

六月十一日

勅朕思將帥之臣為社稷之衛克戡多難以靖四方厥有茂功宜膺優渥親衛大夫建州觀察使神武副軍都統制岳飛為時良將統



我銳師許國惟以忠誠馭衆亦能訓整同士  
卒之甘苦致紀律以嚴明宣力久勞戰多實  
著功加數路跡掃羣兇遂行橫列之遷兼付  
承流之寄悉平嶺嶠旣成破賊之功威著江  
淮益竄禦戎之略其承異寵克勵壯猷可特  
授中衛大夫武安軍承宣使依前神武副軍  
都統制

紹興三年

鎮南軍承宣使充江南西路沿江

制置使告

九月

勅全師擗賞必首正中權之功謀帥授方爰  
控制上流之重若時名將爲國虎臣屢列上  
於戰多式載圖於臨遣併頒命渥增重戎昭  
中衛大夫武安軍承宣使神武副軍都統制  
岳飛秉誼忠純賦資沉毅自奮庸於行阻久  
宣力於方維料敵出奇洞識韜鈴之奧摧鋒  
決勝身先矢石之危荐率偏師往平巨孽屬  
江西之竊發連嶺表之繹騷命以專征迄茲



底定殲滅兇渠之惡蕩平狡窟之姦千里師  
行見秋毫之無犯百城按堵聞大吠之不驚  
嘉爾凱還趣其入覲念夙殫於忠節尚辰告  
於壯猷宜䟽進律之恩俾正承流之任天設  
之險擇形勢於九江師克在和隱兵威於萬  
旅以作藩于屏輔以式遏於寇攘益申紀律  
之嚴用謹守攻之備徃服朕命無怠爾成可  
特授鎮南軍承宣使依前神武副軍都統制  
充江南西路沿江制置使

紹興四年

清遠軍節度使湖北路荆襄潭州

制置使特封武昌縣開國子食邑

五百戶食實封貳伯戶制

八月二十五日

門下師直為壯正天討有罪之刑戰功曰多  
得仁人無敵之勇羽奏屢騰於戎捷輿圖亟  
復於圻封肆疇進律之庸亶告治朝之聽鎮  
南軍承宣使神武後軍統制充江南西路舒  
蘄州兼荆南鄂岳黃復州漢陽軍德安府制



置使岳飛精忠許國沉毅冠軍身先百戰之  
鋒氣蓋萬夫之敵機權果達謀成而動則有  
功威信著明師行而耕者不變久宣勞於邊  
圉實捍難於邦家有公孫謙退不伐之風有  
叔子懷柔初附之略屬兇渠之嘯亂乘襄漢  
之弛兵竊據一隅萃厥逋逃之藪旁連六郡  
鞠爲盜賊之區命以徂征迄茲戡定振王旅  
如飛之怒月三捷以奏功率寧人有指之疆  
日百里而闢土慰我后雲霓之望拯斯民塗

炭之中嘉乃成功赫茲信賞建旄融水以彰  
分閫之專授鉞齋壇以示元戎之重金付西  
南之寄外當屏翰之雄開茅社於新封錫圭  
腴於真食併加徽數式對異恩於戲我伐用  
張旣收無競維人之烈惟辟作福敢後有功  
見知之圖尚肩衛社之忠益勵幹方之績欽  
予時訓其永有辭可特授清遠軍節度使湖  
北路荆襄潭州制置使依前神武後軍統制  
特封武昌縣開國子食邑五百戶食實封貳



伯户主者施行

紹興五年

兩鎮節度使加食邑制二日

門下聖人順天地之動師必有名王者治夷狄之權兵應者勝延睭中堅之略叶平外之虞肆圖厥功誕告爾衆清遠軍節度使湖北路荆襄潭州制置使神武後軍統制武昌縣開國子食邑五百户食實封貳伯户岳飛才全果毅資稟沉雄閱禮樂而厲廉隅德遜

有君子之操援抱鼓而先士卒忠蹇匪王臣之躬自奮武以專征屢摧堅而深入于疆于理威行江漢之山川如飛如翰名動江淮之草木屬逆鷁之挺亂導戎羯以窺邊萬騎鼓行震天聲於不測千里轉戰奮勇氣於方張力捍孤城系俘羣醜逮潛師而犇潰茲振旅以遄歸載疇却敵之庸用錫相攸之祉齋壇授鉞節兼兩鎮之雄太社分茅爵列元侯之貴倍敦井賦衍食畬租爰示寵光併昭物采



於戲觀萬夫之政爾惟肇敏於戎公宅九有  
之師我其克艱於王業祇若予訓永肩乃心  
往恢式辟之方勿替對揚之命可特授鎮寧  
崇信軍節度使依前神武後軍統制充荆湖  
南北襄陽府路制置使進封武昌郡開國侯  
加食邑五百戶食實封貳伯戶主者施行  
四年明堂加食邑五百戶食實封  
貳伯戶制十一月二十三日  
門下朕躬履艱虞祇膺眷祐淵冰厲志靡忘

顧謚之誠珪幣薦衷用格況臨之祉爰推惠  
衍式獎忠勞鎮寧崇信軍節度使神武後軍  
都統制充荆湖南北襄陽府路制置使武昌  
郡開國侯食邑一千戶食實封肆伯戶岳飛  
策慮靖深器資沉毅有冠三軍之勇而計然  
後戰有長萬夫之才而謙以自持鏖兵無前  
邁票姚之方略襲敵知避竦飛將之威名治  
紀律以其嚴嘉師徒之逾整旣宣威於南紀  
亟奏凱於淝川載加齋鉞之崇增重元戎之



寄方合宮之竣事乃大賚以䟽封增衍爰田  
益陪真食用作爾祉庸示眷懷於戲良將以  
功名為先期輔成於丕烈忠臣乃社稷之衛  
宜勉卒於令圖朕方謹邊場之虞卿宜厲爪  
牙之用體茲訓告務克欽承可特授依前鎮  
寧崇信軍節度使神武後軍都統制充荆湖  
南北襄陽府路制置使加食邑五百戶食實  
封貳伯戶封如故主者施行

檢校少保加食邑制

九月十日

門下若昔帝王之經武本七德以和衆安民  
惟我祖宗之有邦逮百年而勝殘去殺眷  
彼南服遠於朝廷赤子弄兵始由失職二方  
受病迄至用師廼嘉將帥之良能盡威懷之  
義肆颺孚號庸報楙功鎮寧崇信軍節度使  
神武後軍都統制充荆湖南北襄陽府路斬  
黃州制置使武昌郡開國侯食邑一千五百  
戶食實封陸伯戶岳飛忠力濟時忱誠狗國  
沉勇多算有馬燧制敵之機廉約小心得祭



遵好禮之實自出陪於艱運久專總於戎昭  
鋒對無前以征必克師行有紀所至孔安成  
績著于邦家威名震於夷貉比飭鷹揚之旅  
徃臨鼠盜之區孚以惠心開其善意得好生  
於朕志新舊染於吾民支黨內攜爭掀狡窟  
渠魁面縛自至和門服矢弣弓盡散潢池之  
嘯聚帶牛佩犢悉歸田里之流逋清湖湘累  
歲蕩汨之蓄增秦蜀千里貫通之勢惟時底  
績可後疇庸孤棘位朝其視儀於亞保戎驛

導節仍疊組於中權肇開公社之封益衍非  
腴之賦於戲出車之勞還率所以知臣下之  
勤彤弓之錫有功所以慶人君之賞徃對揚  
於休命終克勵於壯猷尚弼一人永清四海  
可特授檢校少保依前鎮寧崇信軍節度使  
神武後軍都統制充荆湖南北襄陽府路蘄  
黃州制置使加食邑五百戶食實封貳伯戶  
進封開國公封如故王者施行

紹興六年



武勝定國軍節度使充湖北京西  
路宣撫副使置司襄陽加食邑制

三月二日

門下朕還顧宛洛之郊旁連江漢之紀人謀  
誤國致赤子之淪胥祖武造邦本皇天之全  
付思拯民於水火用申畫於山川即命元戎  
徃分憂寄亶茲有衆咸聽朕言檢撥少保鎮  
寧崇信軍節度使神武後軍都統制充荆湖  
南北襄陽府路蘄黃州制置使武昌郡開國

公食邑二千戶食實封捌伯戶岳飛沉毅而  
閔中誠純而特立縱橫竒正謀足以應料敵  
之幾險阻艱難器足以任扶危之重志徇國  
家之急身居矢石之先翦亂夷凶所當者破  
陳師鞠旅其衆無譁乃眷西南久勤經略將  
規恢於遠馭宜增重於使權草木知名諒威  
聲之震讐旌旗改色亦士勇之賈前矧茲塗  
炭之餘積有雲霓之望洛都甫邇王氣猶在  
於伊瀍陵寢具存廟貌未移於鍾簾其



共乃服以究爾庸易兩鎮之戎旃就顯節制  
衍多田之幹食益侈輿封斷自予衷豐茲異  
數蓋示龍光之渥式昭閩寄之隆於戲整六  
師以修戎朕既得惟人之競辟四方而徹土  
爾其恢綏遠之猷惟一德以定功茲萬邦而  
為憲徃欽無斁其永有辭可特授武勝定國  
軍節度使依前檢校少保充湖北京西路宣  
撫副使兼營田使襄陽府置司加食邑五百  
戶食實封貳伯戶封如故主者施行

內艱起復制

九月

門下考禮則喪無二事心獨致拮捲之思命  
將而任重三軍義在先國家之急眷時閩制  
屬我傑才方膺易鎮之榮奄及終堂之恤肆  
揚出綽敷告在廷持服前檢校少保武勝定  
國軍節度使充湖北京西路宣撫副使兼營  
田使襄陽府置司武昌郡開國公食邑二千  
五百戶食實封壹阡戶岳飛精深而善謀沉  
鷲而孔武被威名於草木昭勲績於旂常國



爾忘家屬票姚辭第之志卑以自牧履馮異  
不伐之謙本忱恂之確誠形純篤之內行出  
從王事每切望雲之情入慰母心初無齧臂  
之誓期永就養遽遭閔艱念乃情重罹於至  
憂軫予心良增於深惻屬此幹方之日豈曰  
居廬之時雖難忘顧復之厚恩可少怠憑陵  
之宿憤朕當饋而歎中夜以興思有指之士  
疆倚圖上之方略斯拱而俟趣起勿遲仍視  
亞保之威儀載畀兩藩之旄鉞用昭隆眷佇

奏膚公於戲魯侯即喪而誓師平徐夷之作難晉  
人始墨而變禮由殺嶺以從戎若功名克顯於君  
親則忠孝兼全於家國勉服成命益勵壯猷可特  
起復檢校少保武勝定國軍節度使充湖南京西  
路宣撫副使兼營田使武昌郡開國公食邑二千五  
百戶食實封壹阡戶依舊襄陽府置司主者施行  
紹興七年

起復太尉加食邑制

二月二十五日

門下天生五材莫大乎用兵之利戰有百勝



孰踰於得筭之多粵若信臣妙持軍律援桴  
擐甲屢收旣克之功飲至策勲更勵方來之  
効咨爾在位明聽朕言起復檢校少保武勝  
定國軍節度使充湖南京西路宣撫副使兼  
營田使武昌郡開國公食邑二千五百戶食  
實封壹阡戶岳飛沉毅而有謀䟽通而善斷  
威加敵人而其志方厲名著甲令而其心愈  
剛有慮而後會之機有誓不俱生之勇曩者  
分遣將士深入賊巢荐聞斬馘之奇盡據山

川之險至於牛蹄之役尤嘉虎鬪之彊積獲  
齊山俘纍載道令行塞外已觀奮擊之無前  
響震關中將使覆亡之不暇是用躋榮掌武  
加重元戎王佩絳裳備殊勲之典禮雕戈金  
節增上將之威稜仍衍爰田倍敦眞食以厚  
褒揚之寵以明待遇之隆於戲朕不愛爵祿  
而用才庶幾無負汝宜竭股肱而報上思稱  
所蒙往圖竹帛之光勉徇國家之急則朕克  
濟垂成之業而汝亦有無窮之聞可特起復



太尉依前武勝定國軍節度使湖北京西路  
宣撫使兼營田大使加食邑五百戶食實封  
貳伯戶主者施行

明堂加食邑五百戶食實封貳伯

戶制詞闕

紹興九年

開府儀同三司加食邑制

正月十一日

門下蒐卒乘而繕甲兵尤謹艱難之日聽鼓  
鼙而思將帥不忘閑暇之時廼眷爪牙之臣

夙勤疆場之衛爰加褒律丕告治廷太尉武  
勝定國軍節度使充湖北京西路宣撫使兼  
營田大使武昌郡開國公食邑三千五百戶  
食實封壹千肆伯戶岳飛票衛有聞沉勇多  
筭有岑公之信義足以威三軍有賈復之威  
名足以折千里臨敵而意氣自若決策則機  
智若神陷陣摧堅屢致濯征之利撫劔祇掌  
每陳深入之謀眷彼荆襄實勤經略邊鄙不  
聳幾卧鼓而滅烽流亡還歸皆授田而占籍



奠茲南紀隱若長城屬鄰邦講好之初念將  
闡宣勞之久肆因慶澤式表高勲是用進同  
三事之儀仍總兩藩之節衍封多井增實腴  
租以昭名器之崇以就龍光之渥於戲豐報  
顯賞蓋以褒善而勸功遠慮深謀尚思有備  
而無患祇若予訓益壯爾猷可特授開府儀  
同三司依前武勝定國軍節度使湖北京西  
路宣撫使兼營田大使加食邑五百戶食實  
封參伯戶封如故主者施行

紹興十年

少保兼河南府路陝西河東河北

路招討使加食邑制

六月一日

門下人凶翦亂救民本仁義之兵料敵出奇  
命克必神明之將眷予闡帥久撫戎昭俾宣  
布於皇靈用外攘於寇侮惟日之吉敷告子  
廷武勝定國軍節度使開府儀同三司充湖  
北京西路宣撫使兼營田大使武昌郡開國  
公食邑四千戶食實封壹阡伯戶岳飛智



合韜鈴靈鐘河岳氣吞彊虜壯哉漢將之威  
稜志清中原奮若晉臣之忠槩師屢臨於京  
洛名遠震於荒夷念國步之方艱顧戎心之  
未革詭謀行詐以為盜賊之計阻兵枯亂以  
重塗炭之災信義俱忘羣情共惡殘虐不道  
神理靡容其遂整於我師用奉行於天討默  
用萬全之計亟收九伐之功乃寵畀以使名  
斯示濯征之義仍進躋於孤棘特隆委寄之  
權於戲一弛一張文武乘時而致用百戰百

勝方略因敵以為師舉素定之成謀據久懷  
之宿憤往底必禽之利丕昭不世之勲勉爾  
壯猷欽予時命可特授少保依前武勝定國  
軍節度使充湖北京西路宣撫使兼河南北  
諸路招討使兼營田大使加食邑七百戶食  
實封叁伯戶封如故

明堂加食邑七百戶食實封叁伯

戶制詞闕

紹興十一年



樞密副使加食邑制四月二十四日

門下朕躬履多虞規恢大業惟文武並用式  
嚴宥密之司必知勇兼全克任本兵之寄睠  
時人傑久總戎昭肆疇勲望之隆俾贊樞機  
之要誕敷渙號敷告明朝少保武勝定國軍  
節度使充湖北京西路宣撫使兼河南北路  
招討使兼營田大使武昌郡開國公食邑五  
千四百戶食實封貳仟叁佰戶岳飛果毅而  
明深沉以武竒謀祕計蚤推韜略之高英槩

雄姿凜有威名之盛自服勤於邊圉實修捍  
于邦家作鎮上流屹若金湯之勢宣威遐俗  
震于羊犬之羣功屢紀於旂常任實同於柱  
石念提兵百戰已深料敵制勝之方而授任  
一隅未究折衝消難之略鬱雄圖而弗展慨  
平世之何時是用蔽自朕心付以國柄參畀  
事樞之重仍班孤棘之榮近資發縱指示之  
竒遠輯摧陷廓清之績庶極用人之効亟成  
戡亂之圖於戲上下交而志同朕方深於注



意將相和則士附爾益務於叶心其懋壯猷  
用服明訓可特授樞密副使依前少保加食  
邑七百戶食實封參伯戶封如故主者施行  
武勝定國軍節度使萬壽觀使奉  
朝請制八月  
門下聯樞冕而贊廟謨式重股肱之寄擁節  
旄而奉朝請益隆體貌之恩乃睠勲臣方居  
密席遽瀝退身之懇盍推從欲之仁爰告大  
廷用孚爾衆少保樞密副使武昌郡開國公


食邑六千一百戶食實封貳千陸伯戶岳飛  
稟資肅毅挺質沉雄方略得古良將之風忠  
勇有烈丈夫之操奮身許國彰趙王之曼纓  
勵志圖功撫臧宮之鳴劔自總幹方之任久  
專制閫之權惟績用之殊尤亦恩褒之備至  
我駢導節旣疊組於大邦孤棘位朝遂進班  
於亞保茲圖茂闕俾翊洪樞庶資籌幄之奇  
以輯平戎之略歛煩言之荐至摛深譽以交  
攻有駭予聞良垂衆望朕方記功掩過事將



抑而不揚爾乃引咎自言章旣郤而復上諒  
忱誠之已確雖敦諭而莫回是用崇使範於  
殊庭畀齋壇於舊服留以自近示不遐遺以  
全終始之宜以盡君臣之契於戲寵以寬科  
全祿光武所以保功臣之終曾無貳色猜情  
鄧公所以得君子之致朕方監此而御下爾  
尚念茲而事君往哉惟欽服我明訓可特授  
武勝定國軍節度使依前少保充萬壽觀使  
仍奉朝請主者施行

鄂國金佗續編卷第二





抑而不揚乃引... 雖數諭而莫回... 雖處異香... 全然... 全禎... 能必... 子... 惟... 朕... 而... 下... 高... 可... 特... 校...



